



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Cap. Raynutius 16. juncto Cap. Raynaldus 18.

[urn:nbn:de:hbz:466:1-62169](#)

ciat, quem ex Petro, & Abbatie antiquo adducit idem Burr. tum etiam Imola hic, quod scilicet hoc casu valcat testamentum quoad excludendum privilegium Episcopi, de quo in e. Cūm tibi 18 §. 11. inf. De verb. sign. ad quod videtur referendum esse hoc cap. nostrum, cūm sit ejusdem Innocent. Tertii ad eundem Episcopum: hic enim Episcopus obtinuerat à Sede Apostolica, quod Clericorum bona ab intestato decedentium ad ipsius dispositionem pertinuerent. Ut igitur hoc privilegium excludatur, dicitur hic defunctus testatus discessisse quoad illum effectum, cum tamen re vera intestatus discesserit. Atque hanc interpretationem amplectitur, & fusè persequitur Franc. Sarmientus Select Interpretat lib. 2. c. 6 num. 37. Sed nec hæc interpretatio constare potest, propter argumentum initio à me adducta.

In qua præ omnia placet sententia Hostiensis, quam refert, neque improbat idem Sarmient. d. loco num. 36. quod scilicet ex his verbis textus nostris, Committo voluntatem meam in dispositionem Titii, videatur hic Titius heres institutus. Quid enim interest, testator dixerit, Titius heres est, Extremam voluntatem meam, hoc est, bona, qua extrema voluntati subjiciuntur, committo dispositioni Titii nam quod hanc bona in dispositione alterius hoc est, de ratione dominii. Nov. VI licet matri & avia 117 c. 1. §. 1. in V disponere. Si sicut honorum suorum testator vult esse dominum Titium, ergo & heredem, l. His verbis 48 in pr. D. De hered. infit. quia heres dominus dicitur & est, § fin. Infit. De hered. qualit. & differ. Ut verò illa verba, extremam voluntatem meam, pro ipfis bonis accipiantur, tam-

quam contentum pro ipso continent, suadet favor ultimæ voluntatis, in qua plenior soler adhiberi interpretatio. l. In testamento 12. D. De R. 1 &c. Cūm dilectus 6. in fin. sup. De donat. tum quoque in ambiguis id potius accipendum est, quo magis res valeat, quam pereat, l. Quoties 2. D. De reb. dub. Neque refert, quibus verbis institutio heredis exprimatur, dummodò de voluntate testatoris coheret, l. Quoniam indignum 5. & l. In testamento 26. C. De testam. d. l. His verbis in pr. & l. Cūm pater l. 77. §. donationis 2. 6. D. De legat. 2.

Unde, quod primo ioco contra hunc textum nostrum objectum est de heredis nomine exprimendo in testamento, nihil movet; cum sufficiat quibuscumque verbis heredem institui, jam dictus jurib. Imò ne quidem necesse est, heredem verbis exprimi, dummodò certo aliquo signo demonstretur, l. Quoties 9. §. 8. & l. Afferito 77. D. De heredib. infit. Ut hinc verum testamentum sit, si testator adhibitis solemnitatibus ita pronuntiaverit: Ego instituo eum heredem, quem scripsi in quadam scedula manu mea (cripta, vel subscripta), que est penes Titium dummodò de ea scedula nulla controversia sit, an à testatore scripta, vel subscripta sit, l. Si ita scripsero 38. D. De condit. & demonst. Covarr. hic num. 7 Secundum argumentum delumptum ex definitione testameoti facile diluitur, cūm hic testator voluntatem suam satis expresserit, instituendo heredem, scit ante explicavimus. Quo verò ad tertium argumentum, nulla hic voluntas capratoria dici potest, cūm heres ab ipso testatore institutus sit, non verò permisus voluntati alterius.

In Cap. Raynuttius 16. juncto Cap. Raynaldus 18.

SUMMARIÆ.

1. Sententia sive summa e. Raynuttius.
2. Ratio dubitandi quoad valorem testamenti.
3. 5. Legitima jure Canonico an titulo institutionis relinquenda?
4. Verbum Relinquo quando titulum importet institutionis.
5. Legitima portionis partem institutionis titulo relinquens sufficit.
6. Legitima uppletio nem parens testamento suo prohibere nequit.
7. Legitima onus imponi non potest.
8. Nisi filius in gravamen consenserit,

10. Filius patre cum parente initia an post ejus mortem petere aut retine legitimam possit?
11. Et quid si juramentum filii ac efficerit?
12. Filius an consentire in propriam exhereditationem possit?
13. Non potest quis sibi aliquid adscribere in testamento alterius.
14. Legitima quo jure liberis debita sit.
15. Filius fideicommisso gravatus an deducere possit legitimam & quartam Trebellianicam?
16. Distinctio quoad hoc inter fideicommissum purè relatum vel iub conditione an recta?
17. Substitutio quid?
18. Alia est directa, alia obliqua; & qua directa.

19. Qua obliqua sive fideicommissaria.
20. Directa quatuorplex.
21. Vulgaris que dicatur. & cur introducta.
22. Alias est expressa, alias tacita.
23. In unum casum concepta, si noluerit esse heres, extenditur ad alterum si non potuerit.
24. Tacitè quando fieri dicatur.
25. Effectus substitutionis vulgaris.
26. Qui quibus stat substitutioni possint.
27. Exspicit aditâ hereditate.
28. Substitutione pupillaris cur introducta.
29. Forma hujus substitutionis.
30. Requisita ad camdem.
31. Substitutione exemplaris sive quasi pupillaris.
32. Substitutione obliqua sive fideicommissaria.
33. Quibus & qualiter ita substitutioni possit.
34. Restitutio hereditatis ex hac substitutione quomodo facienda.
35. Hereditas fideicommissaria an transeat ad heredis gravavi vel fideicommissarii heredes?
36. Frustris medio tempore ab herede gravato percepti an restituendi?
37. Pater & filius simul instituti, vel substituti, ad hereditatem simul, non ordine successivis, vocantur.
38. Limitationes hujus regulae.
39. Conditio si sine liberis decesserit, an exspiret, si heres gravatus reliquerit filium naturalem tam.
40. An eadem conditio exspiret, si gravatus fias Clericus vel Monachus.
41. Substitutione reciproca quando fieri dicatur.
42. Substitutione compendiosa qua ejusque effectus.
43. Verbis directis, obliquis, aut communiciis facta quid operetur.

Hoc Cap. prolixis Commentariis passim illustrant Interpretes, præcipue Guilielmus Benedictus, cuius in hanc Decretalem extat integrum volumen. Ego tantum ea recitaro, & perstringam, qua hujus Capitis proprias sunt, rescatis nis, qua aliena videbuntur. Iraque sententia illius haec est, quod ex hereditate patris, matris, & avii legitima portio liberis jure naturæ debeatur; qua & nullo onere gravari potest: & quod filius rogatus de restituenda hereditate alteri, si sine liberis decesserit, detrahatur & suam legitimam, & quartam Trebellianicam, in quam tamen quartam fructus post litem contestatam percepti referendi, & computandis sunt. Factis speciem consulto omittimus ad evitandam prolixitatem.

Hic primum contra textum nostrum objicitur, quâ ratione testamentum Raynurii valeat, in quo filia eius Alterocha heres instituta non reperitur, sed dumtaxat dicitur ipsi à parte relata, ultra dorem, domus & hortus. At verò certi juris est, liberos à parentibus institutionis titulo honorari oportere, Nov 115. Vt cum de appellas. cognosc. c. 3. in pr. Item licet eadem Alterocha in insdem bonis institutione fuisset, non tamen idcirco heredis, sed legataria vice funderetur: siquidem soror ipsius tamquam universalis heres videtur ipsi adjuncta, per text in l. Quoties 13. C. De heredib. miscit.

Quare sunt, qui existimant de jure Canonico, nihil interesse, institutionis, an alio quocumque titulo legitima filii relinquantur. Ita Hostien. hic, cui ali communiter subscribunt, testis Alex. adl. Inter cetera 30. D. De lib. & post. sicut eum refert Covarr. hic §. 1. in pr. Verum hoc est absque urgenti causa disserimen inducere inter ius Canonicum & civile, contra textum in c. Cum expedit 19. De elect. lib. 6. & in l. un. C. De inoff. dotib. Imò per magni quandoque inter sit, liberis institutionis potius, quam legati, vel fideicommissi titulo legitimam portionem relinqui, propter jus accrescendi, quod est inter coheredes, non verò inter heredem & legatarium, l. un. §. His ita definitus 10. C. Decaducis tollen.

Igitur, omisi à longiori disputatione, quam de hac re haber Joan. ab Imola hic num. 40 & 41. dicendum est, Alterocham filiam in domo & horto, ultra dorem, heredem institutam fuisse: id enim ex texto nostro satis eruitur, in quo verbum Relinquens (quod aliqui generale est, pertinens tam ad institutionem, quam ad legatum, si fideicommissum, Amb. Novissimā, & l. omni modo 30. in pr. vers. & hec quidem C. De inoff. testam) de institutione accipendum est. Nam cum constet ex textu nostro c. 6. in pr. Raynurium patrem testamentum condidisse, utique filiam suam heredem instituit; ac proinde verbum, Relinquens, propter subiectam materiam necessarium de institutionis titulo intelligi debet etiam in utraque filia Alterocha & Adjecta, cum pater in utraque verbo Relinquens, sive Reliquit usus sit. Adde, quod in dubio ea interpretatio adhibenda est, ut actus potius valeat, quam pereat, l. Quoties 10. D. De R. I. Alioquin enim testamentum, in quo filius, vel filia præterita est, ipso jure non subsisteret, d. 1. 30. D. De lib. & post. saltem quoad institutionem in testamento factam, Amb. Excusa C. De lib. praefer.

§ vel exhered. * Et hanc posteriorem sententiam, quod scilicet de jure Canonic etiam filius, sive filia si in institutionis titulo honoranda, eleganter & ex communi Dd. opinione probat Jason ad Rubr. tit D Soluto matrim. num. 31. & seq. Covarr. hic §. 1. in pr. Ad id verò quod secundolo loco allatum est ex l. Quoties C. De hered. instit. respondetur, Alterocham in certis rebus institutam legatariae quidem vice fungi, verum ad hunc effectum, ut à ceteris ditoribus hereditariis cooveniri non possit, instar aliorum legatariorum, l. fin. C. De hered. actionib. sed quoad alios effectus heredis loco est, utilitatis explicant Bart. & Bald. adl. Ex facto 35. D. De hered. instit. & est textus in d. Nov. 115. §. Hec autem dis- posuimus usq. Ceterum.

6 Ceterum quod dictum est, legitimam portionem institutionis titulo liberis relinquendam esse, non cō pertinet, quasi tota sive integra liberis in testamento reliqui debeat; sed sufficit partem relinquere, ut deinde ad supplementum eius usagatur, d. l. 30. in pr. & l. Stinus 36. in pr. C. De inoff. testam. Idque jure Cod. & Nov. à Justiniano introductum fuit in favorem testamenti, jam dd. jurib. cum aliqui ante eum, ubi legitima integra non erat relata, testamentum totum per querelam in officio expugnabatur, l. Cum queritur 6. & l. Parentibus 8. in princ. C. De inoff. testam.

7 Atque hæc de legitima integrè relinquenda, vel suppleenda adeò obtinent, quod parens hanc suppliacionem testamento suo prohibere non possit, d. Nov. 115. c. 5. in pr. Neque enim legitima liberi beneficio parentum, sed ex præscripto legum jure quodammodo natura debetur, Auth. Novissima C. De inoff. testam. Nov. 1. in prefat. §. 2. & hoc textu noſtro c. 16. vers. cùm autem junctâ l. Si arrogator 22.

8 § 1. D. De adopt. † Quo etiam accidit, ut legitima usufructu, conditione, aliōve onere à parentibus gravari non possit: & si onus adjectum fuerit, illud tamquam superfluum aut perperam appositorum rejicitur, per text in l. Quoniam in priorib. 32. C. De inoff. testam. Ut hinc, si pater, instituto herede filio suo, relinquat uxori, vel alteri usufructum omnium bonorum suorum, nihilominus possit filius detrahere legitimam suam uanā cū usufructu suo, d. Auth. Novissimā, & d. l. 32. Idem sit, ubi pater vel mater filium heredem instituit, hæc lege adjecta, ut si sine liberis decesserit, restituat fratri, vel alteri bona à parente relicta: nam & hæc conditio quo ad legitimam removetur à jure, ita ut filius de ea testari, legare, vel alias pro arbitrio suo eam in alium transferre vel transmittere possit. Cetera

verò bona, demptâ legitimā, fideicommissio continebuntur, & restitutiō subjacebunt, si conditio extiterit, per text nos t. 10 §. fin. & in d. c. 18 §. 1. eod. in l. Filiū quem 2. 4. C. Fam. erit. Idque adeò, etiam si filius impliciter, nullā protestatione facta, hereditatem parentis audeat sive se immisceat; nihil enim minus manet ipsi salva legitima, † Nisi speciali pacto, sive transactio post mortem parentis subjecerit se gravamini integræ hereditatis alteri restituendæ, per text. in l. Si quando 35. §. 2. C. De inoff. testam. & facit optimus texti in l. Filio 17. D. De injūfō rup. irrito facto testam. Quo loco testamentum patris ob præteritionem filii, alioqui nullum, approbatione ejusdem filii sustinetur; multo igitur magis gravamen, quod legitimam non tollit, sed tantum afficit, ex consensu filii admittendum erit, arg. c. Cui licet 53. De R. l. lib. 6.

Dixi, post mortem parentis; utpote cum fratre, vel alio, cui ex fideicommissio hereditas debetur; nam cum parente vivo inita pactio sive transactio nihil officit filio, quin adhuc ad integrā legitimā post mortem parentis agere possit, vel eam fibiretinere, d. l. Si quando 35. §. 1. & l. 3. C. Desolationib. Magis enim inquit Justin in d. §. 1.) meritis filii provocandi sunt ad paterna obficia, quam pactionibus adstringendi. † Quod ramen exaudiendum est, nisi etiam jusjurandum filii accesserit; nam hac specie pactio sive transactio cum parente inita valeret, propter generalem regulam, quā jubetur omne juramentum servari, quod non tendit in præjudicium alterius, nec redundat in dispendium salutis æternæ, c. 2. Depa. lib. 6. & c. Cum contingat 28. in fine sup. De iure jur.

Quibus non obstat text. in l. Non putavit 8. §. 6. 12. D. De bonor. poss. contratabb. ex quo communiter probant Dd. filium, consensu suo possit à patre exheredari; adeò ut patris testamentum numquam ab eodem filio possit impugnari, ut videre est apud Ant Gomez Var. resol. tomo 1. cap 11. num. 14. Igitur filius pactione cum patre inita renuntiare potest etiam absque juramento paternæ hereditati sive legitimæ lus, quod jam ante negavimus. Sed, ut dixi, nihil obstat; non enim in d. §. 6. pater cum filio pactus est, ut le exheredem scriberet, sed tantum quæstum fuit, utrum, si filius se ipsum heredem scripserit in patris testamento, accipere possit possessionem contra tabulas? Et certè non posse constat ex d. §. 6. eo quod recte exheres scriptus sit. Exheredato verò bonorum possessio

Ec

contra

contra tabulas non competit, ut dicitur in ead. §. 6. Sed, inquietes, saltem erit tacitum pactum, exclusus filium ab impugnatione testamenti, & consequenter à successione patris. Quod profectò dici non potest: non enim per pactum excluditur filius, sed propter testamentam patris, quod consensu filii consecutum est: ac prouide illud tueretur Prætor, ne rescindi possit per possessionem contra tabulas, licet per hoc submoveatur filius à successione patris, quia id sit in consequentiā multa enim perspè veniunt per consequentiā, quæ principaliter venire non possent, l. i. in pr. & l. 7, in pr. D. De autorit. & consuetudinibus. I. Si unus §. 3, D. De pactis, & l. si quis quis §. 9, D. Deliberat leg. Covarr. ad. nos. 18, §. 2, num. 3, & Ant Gomez, sup. alleg. loco, qui ejusdem sententiæ sunt, quod scilicet possit consentire propriæ exheredationi, sed alia ratione moti, quam hic non reperio, neque probare possum. Rectè tamen existimant, hoc casu non exigere causam exheredationis, sed tum demum, ubi filius invitus exheredatur; locumque tunc esse Novellæ Justin. 115. c. 3. in pr. quæ in exheredandis liberis justa ingratitudinis causa requiritur, quæ hac specie non obtinet, ubilibet consensu suo exheredantur.

13 Sedurgebis, Senatusc. Libonianum prohibere, ne quis sibi aliquid adscribat in testamento alterius; & si adscriperit, non tantum id pro non scripto haberi, sed etiam cum incidere in pœnam falsi, l. Si quis legatum in pr. D. De L. Corn. de falso & tit. C. De his, qui sibi adscr. in istam. Videtur igitur hæc exhereditatio à filio in patris testamento scripta minime subsistere. Verum non movet, quia §. C. Libonianum de iis loquitur, qui in commodum suum, velut legatum, vel fideicommissum sibi adscriperunt in alieno testamento; non, si contra se scripserint, ut in exheredatione, l. 8, §. 6. De bono poss. contra tab.

Ceterum ad textum nostrum propius regrediamur: circa quem duo in controversiam vocantur. Utrum præcisè verum sit, quod legitima debetur liberis jure naturæ; item, An filii gravati fideicommissio universalis, ut, si sine liberis defecerint, restituant hereditatem alteri, detrahere possint præter legitimam etiam quartam Trebellianicam?

14 Quod ad priorem questionem attinet, extant tres gravissimi textus, quibus viderur probari, legitimam jure naturali liberis deberi, texti hic §. 2. Cris. Raynaldus 18. §. 1. & d. Nov. 1. in prefat. §. 2.

& confirmat hæc ratio, quod legitima alimento vice fungatur, Nov. 18. de triente & iemiss. cap. 1. vers. non licet: at alimenta liberis jure naturæ debentur, l. fin. §. ipsum autem C. De bonis que liberis &c. & l. un. §. 5. vers. filiat. C. Derei uxoria act. ergo & legitima; cum surrogatum assumat naturam ejus, in cuius locum surrogatur, per text. in l. Si enim in §. 2. D. Si quis cautionib. &c. Cui consequens est, quod legitima statuto, vel consuetudine tolli vel diminui non possit, siquidem iura naturalia sunt immutabilia, §. Sed naturalia in fin. Dejurenas. &c. Nihilominus contraria op. n. o. reius defendi potest, quod scilicet legitima ex praescripto legum magis debeatur, quam ex jure naturali; idque probatur per text. in d. Nov. 18. c. 1. ubi triens vel semis juxta liberorum numerum pro legitima à Justiniano adsignatur: item per text. in d. Nov. 1. in prefat. §. 2. quo loco lex necessitem imponit parentibus relinquenti liberis legitimam; sicutur legitima juris civilis est, non naturalis, & subsequenter lege vel statuto tolli potest. Nam videmus & per adoptionem, quæ iurius civilis est, filium privarilegitimam suam in hereditate patris sui naturalis, quando scilicet a materno in adoptionem datus est, l. penult. in pr. C. De adopt. Similiter filius ob iustam causam ingratitudinis privari potest sive legitima in testamento parentis, d. Nov. 115. §. aliquid quoque Quæ aliaque familia admitti non possent, si legitima naturali iure, non civili deberetur liberis; nam civilis ratio (inquit Justin. in §. fin. In fin. De legit. agnat. iur.) civilia quidem iura corrumpere potest, naturalia vero non utique.

Non obstant textus in contrarium suprà allati; quia exaudiendi sunt de jure naturæ, id est, naturali ratione, juvante ipsum ius civile de legitima relinqua debetur liberis. Idque patet ex l. fin. in pr. D. De bon. damnat. & ex l. Scripto 7. D. Vnde liberi, ubi hereditas parentum dicitur liberis deberi naturali ratione, quasi lege quadam tacita; & tamen certum est, id non propriè fieri jure naturali, cum non tenentur parentes ex hereditate sua ultra legitimam liberis suis relinquere, l. Parentibus 8. in pr. junctâ Auth. Novissimâ C. De inoff. testam. Unde pro hac sententiâ multis auctores allegat And. Gail. lib. 2. obs. 12. num. 9. quamvis ipse medium sententiam sequatur, quod scilicet legitima quidem minsi, non autem tolli possit, eamque ibidem num. 11. fateatur pluribus præjudiciis Camera Imperialis confirmatam esse. Quam & ve-

ram sentio, ubi legitima succedit loco alimentorum, nam eatenus legitima tota, vel minor necessariis liberis reservanda est, quemadmodum hic docet Panorm. num. 12. quod & resperisse videtur textus inc. 3. vors. non licebit d. Nov. 13. detribute & semisso, in verbis, sed modis omnibus ei huius legitimam partem, quam nunc deputavimus, & usum fructuum, in super proprietatem relinquat, si vult filiorum non repente same morientium, sed vivere valentium vocari pater. Ex quibus verbis facile elicetur, legitimam in alimentationem liberorum introductam fuisse, & sic verè esse ius naturalis: ubi verè alimenta liberis aliunde suppeditantur, eas potius referendam esse adjus civile. Quare utramque opinionem inter se conciliando, dicendum est, legitimam tum de rōm jure naturali verè deberi liberis, quando hi in opia laborant, ut eos alinecessit: aliud verè esse, si aliunde sustentationem habeant, vel libi acquirere possint, per text. in l. Si quis à liberis §. 7. D. De agnosc. & ales lib. Unde consequens est, legitimam hoc casu, statuto vel confuctudine contraria dimini, vel etiam tolli posse. Panorm. jam d. loco & Covarr. in 4. De-cretal. in 2. p. c. 8 §. 6. num. 5.

Quo verè ad alteram questionem, An filius institutus, & fideicommissio universalis gravatus, detrahere possit, præter legitimam suam, etiam quartam Trebellianicam? res explicatu difficilis est, propter repugnantes inter se textus juris civilis & Canonici. Nam de jure civili istatis expressum est, vel solam legitimam, vel solam quartam Trebellianicam à filio deduci posse, & reliquum hereditatis fideicommissio contineri, ita quod utraque detractione concurrens non possit, per text. in l. Iubemus 6. in princ. in verbis, sed de ipsis rebus hereditatis dōdrans restituatur, C. Ad S. C. Trebell. in l. Filius 2. 4. C. Fam. ercif. & in d. Nov. 118. c. 1. in verbis, licebit enim ei reliquum obuncium, & facit elegans text. in s. 1. Nov. 39. De restitutionib. &c. Et ratio est, quia quidquid heres ex judicio defuncti consequitur, in quartram Trebellianicam imputatur, l. In quartam §1. D. Ad L. Fase. sed legitimam jure institutionis consequitur filius. c. 3. in pr. Nov. 115. ergo, &c. Deinde iniquum viderur, ut plus ex hereditate gravatus habeat, quam honoratus fideicommissio. Si enim singamus testatorem habere quinque liberos, cosque si sine liberis decesserint, gravasse, ut hereditatem restituerent Titio; certè hi liberi prius detrahent legitimam suam, quæ est semis, id est, pars dimidia hereditatis, & ex residuo semis deducunt adhuc quartam partem, scilicet Tre-

bellianicam; vel si constituamus à testatore filium unicum relictum, & fideicommissio gravatum esse, hic prius deducet tercentem, id est, quatuor uncias pro sua legitima, deinde ex residuo octo uncias duas adhuc uncias ratione Trebellianicas; ita quod semis hereditatis habiturus sit filius, præter fructus usque ad litem contestatam perceptos, qui non imputantur Trebellianicas, juxta text. nost. c. 16. §. 2. & in d. l. 6. §. 5. quod certè alienum videtur à mente testatoris, c. 1. §. 1. Nov. 1.

Contrà verò gravissimè urget textus hīc. 16. in pr. & in c. Raynaldus 18. in princ. quibus permittitur & legitima & Trebellianica deduci. Cujus hæc ratio est, quod legitima portio beneficio iuris, non testatoris iudicio ad filium pertinet, ut antè probatum est. Ne autem filius deterioris sit conditionis, quām alias extraneus, qui quartam Trebellianicam ex hereditate fideicommissio gravata detrahit, tota tit. D. & C. Ad S. C. Trebell. & tit. Inst. De fideicom her. quodammodo iniustum videatur, ut idem beneficium filio denegetur; cum ex præsumpta testatoris voluntate hereditas magis liberis descendantibus, quām extraneis debeat, l. Cum acutissimi; o. C. De fideicommiss. His igitur argumentis hæc quæstio videtur implicissima.

Quocirca iuris utriusque Interpretes ut ali- 16 quam conciliationem incant, hoc temperamen- tum adseruor: quod aut filius fideicommissio gra- vatus est purè, id est, absque ulla conditione, puta, si sine liberis decesserit, vel simili; quo casu ex- stitant filium tantum legitimam suam, vel solam Trebellianicam detrahere posse: si sub con- ditione, utramque & legitimam & Trebellianicam posse deducere. Atque hanc distinctionem tradit Bern. hic in verbis legitimam ipsam, & communi- ter à Dd. receptam testatur Jason, in l. Filius 2. 4. num. 6. C. Fam. ercif. & Covarr. hic §. 11. nu. 10. Eamdem usq; frequentari, & pro Evangelio teneri refert Castren in l. 6. num. 2. C. Ad S. C. Treb. Cuius hæc ratio redditur inconvincibilis, ut loquitur Jason, d. loc. nam ubi filius purè rogatus est restituere hereditatem, si is perat Trebellianicam, cedet in legitimam, per text. in l. Quoniam novella 19. C. De inoff. testam. unde legitimam amplius petere nō poterit. Si verò pe- trat legitimam, in possibile est, inquit, quod postea petat Trebellianicam; quia legitima, cum debeatur iure institutionis, imputatur in Trebellianicam, d. l. 91. D. Ad L. Falcid. Ubi verò filius gravatus est fideicommissio purè, sed in eventu conditionis,

B c 2 tunc

tunc statim mortuo patre retinet legitimam, de qua rejicitur omne gravamen, omnis dilatio, & omnis mora, l. Quoniam in prioribus 32. & l. 39. §. 11. C. Deinoff testam. Postea autem, eveniente condicione, & si tempore restitutionis, detrahit Trebellianam, sicut quilibet alius extraneus; & sic diversis temporibus duplice portionem deducit ex fideicommissio universali, sicut accidit hoc textu nostro in c. 18 §. 1. Quod tamen non obtinet existimat D. Covarr. *cir. loco*, ubi legitima filiorum esset semis, veluti si sint quinque aut plures filii, ne plus capiant ex hereditate gravati, quam honoratus.

Verum hoc temperamentum jure civili non probatur, cum ex eo magis constet, non utramque portionem, sed vel Trebellianam tantum, vel legitimam solam deduceundam esse, sive pure, sive sub conditione fideicommissum universale relictum sit, per textum in d. I. Filius 24. c. Fam. erisc. item in d. I. Iubemus 6. impr. C. Ad 8 C. Trebell. quo loco filii gravati a parentibus restituere hereditatem, si sine liberis decesserint, jubentur dodrantem hereditatis restituere, detracta Trebellianam; ergo utraque deductio locum non habet. Et licet huic textui respondeant alii, quod ibi dodranc intelligatur, qui remanet deducta portio legitima; id tamen juris ratio non permitit, ut legitima etiam non dicatur contineri in hereditate, & consequenter non in residuo dodrante, tamquam sit res extra hereditatem defuncti, contraria P. Papinianus 8. §. 8. D. Deinoff testam. & l. Cum quarti sur 6. C. ead. sit. Quibus adde text. in d. Nov. 39. c. 1. imprinc. ubi tantum sit deductio legitimae ex bonis parentis, quae rogati fuerunt liberi restituere; nisi quatenus legitima non sufficeret ad constitutionem dotis, vel donationem propter nuptias; quo casu ultrae ipsiis permititur deducere ex reliquis bonis ad supplementum dotis, vel donationis propter nuptias. Sed huic responderet Covarr. *sap. cir. loco*, quod ibi non sub conditione, sed pure fuerint gravati filii, & ob id tantummodo facta sit mentio legitimae, non Trebellianae, juxta distinctionem supra allatam. Verum, sicut, quae praecedunt d. c. i. attentiū inspicimus, magis erit, ut loquatur de fideicommissio sub conditione relictorum ut distinctio illa de puro, & conditionali fideicommissio defendi non possit, saltem de jure civili, sicut & ab ea discedunt Bald. & Jafon, quem vide in d. I. Filius 24 num. 6. & num. 8. Ubi tamen adjicit, quod, cum de consuetudine

praedicta distinctio servetur, uti omnes facientur, frustra putet hanc rem in questionem rapi debere, cum optima legum interpres sit confuetudo, l. Si de interpretatione 37. D. De legib. Quod certè verissime dicitur, ubi scilicet de tali consuetudine constat: nec enim Jasoni, aut alteri faciliter credendum est attestanti de consuetudine, nisi ea quoque probetur eo in loco, in quo causa vertitur; si quidem consuetudo facta est, ac proinde probari debet, c. 1. De cons. lib. 6.

Quare ubi praedicta distinctio consuetudine recepta probabitur, absque ulla cunctatione sequenda erit, l. De quib. 32. D. De legib. & c. Dilectum 8. circ. fin. sap. Deconsuet. Sin minus, subsistit quidem proprior auctoritatem praedictam distinctio nem probantium; sed interim magis putarem, unum tantum deductionem sive legitimam, sive Trebellianam fieri debere, propter jura civilia sup. à me allegata. Idque in terris Imperii; nam in ditionibus Romana Ecclesiæ quoad utramque jurisdictionem subjectis omnino servanda est dispositio text. noſt. c. 16. & c. 18. impr. propter rationem, quam tradidimus ad c. Cum effes 10. supra eod.

Non moveret ratio Jasonis *sap. à allata*, quia eadem ubique locorum obtineret: nam, quod dicitur, Trebellianam, ubi haec soluta est, cedere in legitimam, id nullo jure probatur, licet ipse allegat. Quoniam novella 29. C. De inoff testam. quæ minimè hoc probat. Neque veram diversitatis rationem video inter gravatum fideicommissio universalis pure, & cum, qui sub conditione gravatus est, cum utroque casu legitimam jure naturali, seu potius ex prescripto juris debeatur filio; nisi quod legitima, cum titulo institutionis venit, impetratur in Trebellianam, sicut supra monimus per sext. in l. In quartam 91. D. Ad L. Falcid.

DE SUBSTITUTIONIBUS.

Cum autem h. noſt. 16. impr. fiat mentio substitutionis, non abs re erit, materiam substitutionis hic breviter perstringere; quod ea utilis sit, & quotidiana, & maxime conferat ad percipiendam veram sententiam c. i. hoc sis. lib. 6. Itaque vet. 17. bum *Substitutionis* generaliter sumptum ad quamlibet in alterius locum successionem pertinet, ut videre est in l. un. §. 7. & §. 14. C. De rad. tollen. in l.

Lacuna